



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. XXII. Objectiones contra Secundi Ordinis in Diœcesanâ Synodo  
Autoritatem.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## CAPUT XXI.

*Tot sunt adhuc testimonia autoritatis Secundi Ordinis in Diœcesana Synodo, quot sunt celebationis monumenta Synodorum Diœcesanarum ad materiam Conciliorum Provincialium preparandam.*

**N**on immerito creditur in Diœcesanis Synodis, quæ immediatè Concilia Provincialia ordinaria præcedebant, quæ celebrandæ erant bis per annum, vel semel singulis annis, vel alternis annis, vel denique tertio quoque anno, materiam proximi Concilii præparari, & questiones Doctrinæ hoc in Concilio examinandas agitari in Synodis Diœcesanis, ut ad Concilium Provinciale opiniones eorum deferrentur, qui Synodo interfuerant. Hæ Synodi, respectu Conciliorum Provincialium statim habendorum, id prætabant, quod Concilia Provincialia, aut alia Particularia, immediatè habita ante Concilia Generalia, jam convocata, aut statim convocanda, præstabant. Non enim re ipsa minus necessarium erat, in Synodis Diœcesanis materiam præparare tractandam in Conciliis Provincialibus, quæ necessarium erat præparare Conciliorum Generalium materiam, in Conciliis Provincialibus; vel saltem id æquè conveniens videbatur: hæc enim preparatione facilis reddebat resolutio quæstionum in proximo Conventu tractandarum, prævidebant probations & objections, & consequenter opinions tenenda. Porro, cum Synodus Diœcesana præcipue constaret Secundi Ordinis hominibus, nullum esse potest dubium, quin Secundus Ordo voce gauderet in Synodis habitis, in quibus præparabatur materia Conciliorum Provincialium, five suffitent congregata hunc ob finem, five ut Synodi Ordinariæ immediata haberentur Conciliis proximè futuris.

Verum facta proleta non sola præsumptione nituntur. Hujus rei testimonium clarum habemus in actu convocationis Concilii Bituricensis anni 1584. In eo enim narrans Archiepiscopus quod egerat pro felici exitu Concilii, quod convocabat, ait quid sicut Suffraganei eum ob finem suam Synodum Diœcesanam congregaran, perpendantque omnia eo in Concilio tractanda, five quoad Doctrinam, five quoad Disciplinam, ut parati advenirent, ab eo statutum fuisse idem præstare, eumque ob finem, suam Synodum indicere, illosque à se rogari, quos congregat, ut eligant, qui nomine totius Cleri Concilio interfint. Viros doctos, qui dignè tanto muneri possint facere satis. Quod Archiepiscopus præsupponit debere fieri à Suffraganeis, invictè probat, usum vigere, Synodos Diœcesanas celebrare ante Concilia Provincialia, ut præparentur, quæ Deputati Diœcesis in eis facienda, aut dicenda haberent; suam enim ut certam tenet suppositionem, eamque, ut imitatione dignam, sequitur, convocando sua Diœcesis Synodum, ad imitandum suorum Confratrum exemplum, qui Synodum Diœcesanam convocaturi erant.

## CAPUT XXII.

## OBJECTIONES contra Secundi Ordinis in Diœcesana Synodo authoritatem.

**P**arum prodest retulisse tot Canones, tot Statuta Synodalia, in gratiam Secundi Ordinis, in Diœcesana Synodo authoritatis, nisi solverentur Objectiones contra hanc authoritatem propositæ, quæ ad triplicis generis testimonia reducuntur. Quæ innuere videntur 1. quod ea, quæ principaliter fieri debent in Synodo Diœcesana, scilicet Statuta Synodalia, unice ab Episcopo fierent, 2. Quod natura rerum, quæ tractabantur, ut pote ad Disciplinam pertinentium,

obnoxia esset mutationi, quæ fit vel per abrogationem, vel per præscriptionem; undè eruitur divisio naturalis Objectionum, quam majoris claritatis causa sequemur.

## OBJECTIO I.

*Desumitur ex testimoniis, quæ, cum indicant à quo facta sint Statuta Synodalia, solius Episcopi mentionem faciunt.*

**Q**ui contenderent Secundum Ordinem in Synodo Diœcesana omni autoritate debere spoliari quod ad Statuta Synodalia, multa ex his Statutis possent objicere, quæ dicunt ea facta fuisse ab Episcopo, nulla facta mentione Secundi Ordinis; ex quo concludere possent, saltem in Ecclesiis, propter quas facta sunt, Statutorum Synodalium nullo modo participem fuisse Secundum Ordinem. Hoc factum prolatum probari posset in Inscriptione Statutorum Rhenensium, quæ facta dicuntur, anno 630. quæque tribuuntur Archiepiscopo Sonnatio. 2. Inscriptione Capitulorum attributorum Synodo Rhenensi anno 852. & Synodo anni 874. ab Hincmaro: tribuuntur enim ita Archiepiscopo, ut data Parochis dicantur: deinde, mentio fit Synodi, in qua data sunt. 3. Prima & Secunda Inscriptionibus Constitutionum Synodalium de SULLY Episcopi Parisiensis creati anno 1196. unicè huic Episcopo attributarum, Odonis, Episcopo i Parisiensis Constitutiones Synodicae. En prima Inscriptio. Secunda his verbis concipitur, *In nomine Sanctæ Trinitatis in iipiunt prohibiciones & præcepta observanda ab omnibus Sacerdotibus, data à Venerabili Odone Parisiensi Episcopo. Episcopus Wigoniensis Gallicè de Wincestre in præfatione suarum Constitutionum Synodalium anni 1240. eas fibi soli tribuit, ut his verbis patet, quæ subscripta sunt, duximus statuenda.*

4. Inscriptione Synodalium Constitutionum Episcopi Dunelmensis, Gallicè Durham, anno 1276.

5. Eadem res confirmatur Inscriptione Constitutionum Synodalium Ecclesia Santonensis, Gallicè Saintes, anno 1280. Inscriptione Constitutionum Synodalium ejusdem anni, Episcopi Piætavensis. Denique, & Statuta Synodalia Ecclesia Exonensis, Gallicè Exeter, anni 1277. unicè huic Episcopo tribuuntur: & Statuta Synodalia Cantuariensis Ecclesie anni 1295. unicè Archiepiscopo Cantuariensi tribuuntur. Multa alia similia exempla extant in Tabula operum adhibitorum à Bochel ad absolvendum suum Librum nuncupatum, *Decreta Ecclesie Gallicane*. Collocans enim sèpè Statuta Synodalia inter hæc opera, de plurimis pronuntiat, ea facta fuisse ab Episcopis, quorum nomen præ se ferunt.

Facillimè reperientur alia exempla, aliis in operibus, quæ prætermitto, ut pote inutilia; cum, quæ proleta fuerint, sufficient ad probandum, quod contra Secundi Ordinis authoritatem in Synodo Diœcesana objicitur.

Primo, respondeo Objectionibus propositis, soli Episcopo in Synodo competere Statuta facere, quæ universam Diœcesim spectent, eumque præcipuum partem habere in eis, quæ in ea fiunt; & consequenter, ob has duas rationes, debuisse tribui Episcopo Statuta Synodalia facta in Synodis; nec tamen inferri posse, Secundum Ordinem omni prorsus autoritate fuisse spoliatum: quia, quando unus effectus à duabus causis producitur, quarum una est altera nobilior, nobiliori semper tribuitur, quamvis ignobilior non privetur honore concurrisse ad eum effectum. Hac ratione, quamvis Constitutiones Conciliorum Provincialium à Suffraganeis fiant; perinde ac à Metropolitanis, quædam tamen sunt Constitutiones Provincialles Metropolitanæ attributa, ut nobiliori causa, ut patet verbis sequentibus. *Constitutiones Dom. Petri Burdigæ-*

Burdigalenſis Archiepiscopi factæ apud Copriniacum anno 1260. LABBÆUS putat Copriniacum significare *Cognac*. Eodem modo illam vocem interpretatur *Bochel* in Tabula rerum, quæ suum opus continet anno 1262.

**Secundò:** inter Constitutiones prolatas in Objectione, ut unicè Episcopis attributas, quædam sunt, quæ continent verba, quæ ostendunt Secundum Ordinem illarum Constitutionum fuisse participem. Tales sunt 1. Statuta *Odonis de SULLY*. Numeris enim primo & secundo Capitis II. legitur, finitæ Lectio ne præceptorum Synodalium, deliberandum fore, quæ sint addenda Capitula; quæ verba duas res continent, quæ multum Secundo Ordini favent. Primo, quia Statuta attributa unicè Episcopo, in inscriptione, *Præcepta Synodi* vocantur. Secundò, quia Synodus debet examinare quænam additiones sint facienda rebus lectis. Tales adhuc sunt Constitutiones Archiepiscopi Cantuariensis, in Inscriptione, unicè huic Archiepiscopo attributa; præfatio enim innuit eas factas fuisse *deliberato consilio*; porro, consilium illud aliud non videtur, quam illud Secundi Ordinis, quo constabat Synodus.

**Tertiò:** hæc Constitutiones nomine donantur Constitutionum Synodi Cantuariensis, quod potest dici de Constitutionibus Wigorniensibus Gallicè *Wicester* Santonensis, Gallicè, *de Saintes*, Pictaviensibus, Exoniensibus, Gallicè, *Excester*, Dunelmensis, Gallicè, *Durham*, prolati, quod nomen ipsius minimè convenit, si nullo modo earum particeps fuerit Secundus Ordo.

**Quartò:** Constitutiones Concilii Lateranensis IV. Conciliorum Lugdunensis I. & II. Viennensis, tribuuntur Papæ, qui iis præfuit. Unde oriuntur hæc Inscriptions tam frequentes Capitum Corporis juris, *INNOCENTIUS III. in Concilio Lateranensi Generali*: *INNOCENTIUS IV. in Concilio Generali Lugdunensi*: *GREGORIUS X. in Concilio Generali Lugdunensi*; *CLEMENS V. in Concilio Viennensi*. Porro; nemo, saltem sanx mentis, dixerit iforum Conciliorum Patres, nullo modo participes fuisse rerum his in Conciliis gestarum.

### O B J E C T I O    I I .

Eruitur è Statutis Synodalibus, que videntur innuere, ea jam facta, ad Synodum lata fuisse; eaque duntaxat in Synodo fuisse lecta, & promulgata.

**A** pud omnes constat, inquiunt, ut Secundi Ordinis in Diœcesana Synodo minuatur authoritas, multa esse Statuta, quæ cum mentionem faciunt de rebus in Synodo gestis, solummodo dicunt, ea in Synodo lata fuisse, vel promulgata. Talia sunt, inter alia 1. Statuta Wigorniensis Episcopi, in Synodo sua, in Cathedrali Ecclesiæ promulgata anno 1240.

2. Constitutiones Santonenses anno 1282. promulgatae in Synodo Paschali. 3. Constitutiones Synodales *D. GILBERTI*, Episcopi Cicefrensis, Gallicè, *Cicestre*, lectæ & publicatae in Concilio Synodal. Idem dici potest de Statutis ejusdem Diœcesis anni 1292. *Statuta & adjectiones Cicefrensis Episcopi*, publicata in majori Ecclesiæ in Synodo ibidem celebrata. 4. Constitutiones Episcopi Santonensis 1298. promulgatae in Synodo hyemali. 5. Constitutiones Pictavienses 1367. promulgatae & lectæ in Synodo, celebrata per *AMERICUM*.

Idem dici debet de Constitutionibus factis anno 1377. per Reverendissimum in Christo Patrem ac Dominum *BERTRANDUM*, Episcopum Pictaviensem, & publicatae in Synodo. Idem pariter asserit Tom. I.

poteſt de Statutis ab *ITERIO* editis anno 1396. vox enim *Editus* hic usurpata, significat ſep̄ *Promulgatus*.

Hæc tria ultima exempla defumuntur è Tabula rerum à Bochel adhibitarum suis in *Decretis Ecclesiæ Gallicana*. Facile foret proferre multa alia exempla, quia Inscriptio majoris partis Synodalium Statutorum recentiorum nihil aliud continet præter has voces *Lectorum & Promulgatorum in Synodo*. Verum facta objecta ſufficienter probantur. Huic objectioni tribus modis respondetur. Primo: eadem Statuta potuerunt facta fuisse, & promulgata, in Synodo; hæc enim duo minimè videntur infaciabília, idque adeo verum eft, ut Inscriptio Statutorum Santonensis anni 1280, afferat, ea facta fuisse, & promulgata, in Synodo; ſicut non poteſt concludi, ea non promulgata fuisse in Synodo, ex eo, quod Inscriptio innuat ſolummodo ea in illa facta fuisse. Multa adhuc ejusdem rei in prima Objectione extant exempla. Ita, pariter, minimè inferri poteſt, Statuta non facta fuisse in Synodo, ex eo, quod Inscriptio duntaxat ferat, illa Statuta in Synodo fuisse promulgata.

Secundò: inter Statuta Synodalia ejusdem Diœcesis, quædam extant, quorum Inscriptio fert, ea facta & promulgata fuisse in Synodo. Talia ſunt Statuta Santonensis anni 1280. & alia, quorum Inscriptio duntaxat dicit, ea fuisse in Synodo promulgata. Statuta Santonensis anni 1284. & ejusdem Diœcesis Statuta anni 1298.

Tertiò: extant Statuta Synodalia omnino deprompta ex Concilis præcedentibus: Talia ſunt Statuta *HERARDI*, Archiepiscopi Turonensis, deprompta ex *Capitularibus Regum Franciæ*, &, quoad illa Statuta, ſufficit ea promulgari in Synodo, eam ob causam contentus fuit ea legi in Synodo anni 858.

### O B J E C T I O    I I I .

*Desumpta ex eo, quod Canones, qui mentionem faciunt de fine Convocationis Synodorum pronuntiant eam fieri debere ad instruendos eos, qui Synodo intersunt, eosque ad pietatem informandos.*

**C**onstat certè apud omnes, inquiunt aliqui, à Secundo Ordine, in Diœcesana Synodo, nullam exerceri autoritatem, ſi duntaxat convocatur, ut instruatur & ad virtutem exercetur. Porro Canones extant, qui nullum alium finem tribuunt Diœcesana Synodo, quam instructionem eorum, qui ad eam convocantur. Tale eft Primum Concilium *Oscense*, habitum anno 598. Regnante *RECAREDO*, Hispaniæ Rege. Verba Concilii ſum relaturus, ut unicuique conſet Objectionis propositæ vis: *In Nomine Domini nostri Jesu Christi convenientes in unum, Concilio Oscensi hoc Synodus Sancta fieri elegit, ut annis vicibus unusquisque nostrum omnes Abbes Monasteriorum vel Presbyteros, & Diaconos sue Diœcesis, ad locum, ubi Episcopus elegerit, congregare præcipiat, & omnibus regulam demonſtrare ducendi vitæ, cunctosque ſub Ecclesiasticis Regulis adesse præmoneat, quo usque etiam parcimonia & sobrietatis, atque veridica castimonia honestorum Virorum testimonium fama commendet.*

Ad hujus Objectionis solutionem, ſuam in memorem revocare ſufficit Canones, qui Synodos, multos ob alios fines, congregari nos docent; quam propter Inſtructionem eorum, qui aderant; præcipuumque Synodorum finem alium non eſſe, quam Statuta condere, quibus abuſus emendaruntur, & mores corrigerentur, & controverſias dirimirerunt ſpectantes materias Ecclesiasticas, ſive

inter Societates , sive inter privatos. Porro : cum res propter plures fines diversos fieri potest , extantque Canones , qui de uno duntaxat illorum finium mentionem faciunt , nemp̄ instructione , non potest concludi , eos , qui Statuta considerunt propter solam instructionem , ea condidisse , quia de industria , alias rationes silentio pratermisserunt peculiari de causa nobis ignotā. *Oscensis* autem , Gallicē , *Avesca* , est Episcopatus Suffraganeus Archiepiscopatus *Cesar Augustani* , Gallicē , de *Sarragoce*.

## OBJECTIO IV. &amp; V.

*Desumpta ex non usū , aut abrogatione Canonum , qui afferunt autoritatem Secundi Ordinis in Diocesana Synodo , & ex prescriptione Episcoporum adversus secundum Ordinem.*

**O**bjectiones proponendae majoris sunt ponderis , quam præcedentes ; impugnant enim Testimonia positiva superius relata ; & , si aliquo nituntur fundamento , prorsū ruent omnia , quæ in gratiam Secundi Ordinis authoritatis dicta sunt ; sin autem , Testimonia allata pro Secundi Ordinis authoritate , inconcussa manent , nullius erunt ponderis Objectiones modò proponendæ. Porro obseruandum , eas miti Argumento negativo , quod positivis Argumentis cedere debet. Junguntur simul hæ duæ Objectiones , quia objectum factum in Quarta , Quinta Objectioni fundamentum præbet ; Præscriptio enim supponit non-usum Canonum contrariorum Juribus , quæ præscripta aliquis contendit.

Necessarium ergo est his duabus Objectiōnibus minime sejunctis , quidquid roboris habent , dare.

Non usus , aut abrogatio Canonum , aut Statutorum Synodalium , in gratiam authoritatis Secundi Ordinis , probari potest usū contrario per Quadragesima annos minimè interrupto , aëtibus conformibus his Canonibus , nec turbato reclamatione eorum , quorum intererat. Porro , audacter affirmari potest à Quadragesima annis & amplius nullam in Synodo Diocesana authoritatem exerceri , sive pro solutione difficultatum exortarum per annum de Doctrina , Morali , Disciplina ; sive pro judicio Litium , sive denique pro Conclusione Decretorum aut Statutorum faciendorum : Episcopi enim sibi reservarunt jus solvendarum difficultatum : soli Statuta conduct , & Officialibus Lites committuntur. Et quamvis sapè inter se non convenient Episcopi , hoc in puncto unanimes & firmi sunt. Sic hæc praxis actibus contraria non turbatur , quia nulla reclamatio nis , ex parte Secundi Ordinis sunt monumenta.

Ex hac praxi naturaliter sequitur Episcoporum præscriptio contra Secundi Ordinis in Diocesana Synodo authoritatem : ad eam enim aſtrudendam , sufficit posse Quadragesima annorum nec interrupta , nec turbata. Hæc sunt , quæ contra Secundi Ordinis autoritatem proponi solent , quæ ut solvantur facilius , multa sunt observanda.

**P**rimò : certum est nullum esse Canonem , qui formaliter derogat Statutis , quæ clare Secundo Ordini tribuunt authoritatem in Synodo Diocesana , vel iis , quæ supponentia Secundum Ordinem in Synodo Diocesana authoritate gaudere , illius possessionem approbant : in quo Episcopos superat Ordo Secundus , cuius authoritas legibus positivis roboretur , nullamque Legem proferre possint Episcopi , quæ Secundi Ordinis in Synodo Diocesana autoritatem defruat.

Non potest objici , Cardinalium declarationes extare , quæ positivè affirment , posse ab Episcopo Statuta condi sine sui Cleri consensu : hæc enim declarationes nullib⁹ admittuntur , & , quoad Gallian , parvi sunt ponderis ; quia plerumque nituntur sen-

tentiis contrariis Regni Gallicani effatis. Verum , quando hæ declaraciones alicujus essent apud nos momenti , non omnino deſtruereſecundi Ordinis in Synodo Diocesana autoritatem ; cum ipſi relinquerent jus ſententia & consili⁹ , diverſum à jure conſensus , ex eo , quod quisque teneat eos ſequi , qui conſensus jure gaudent ; quod dici non potest de iis , qui gaudent voce duntaxat consili⁹. Præterea , declaratio prolata data fuit die 27. Aprilis anni 1592. ante Editionem Pontificalis Romani à CLEMENTE VIII. facti anno 1596. & ante Editionem factam jussu URBANI VIII. anno 1644. in quibus ſupponit Secundum Ordinem jus habere approbandarum Conſtitutionum Synodalium , ut probatum fuit Capite XII.

Unde ſequitur , quod , si aliqui Doctores Ultramontani docent ab Episcopo fieri posſe Statuta Synodalia , abſque conſenſu & Cleri approbatione , parum habeat ſententia hæc autoritatis ; quia credendum eſt hanc opinionem his declarationibus niti.

**S**econdò : Pontificale modo prolatum , & quod tantoper Secundi Ordinis authoritati faveat , in Diocesana Synodo generaliter in Occidente admittitur , quin etiam in Gallia , exceptis his , quæ Usibus & Libertatibus Gallicanis adverſantur. Porro , factum , de quo hæc agitur , nec uſum nec Libertates Gallicanas laedit.

**T**ertio : ut non uſus , qui ſupponit durasse per Quadragesima annos & ultræ , potuiffet abrogare Canonos , qui Secundi Ordinis authoritati favent , oportet , ut potuiffet Secundus Ordo publicè reclamare ; quod facile non potest probari : una enim ex parte , major numerus hominum Secundi Ordinis , quibus conſtat Synodus Diocesana , reſulat ex Parochis , vel Vicariis ; ex altera parte , longum effluxit tempus , per quod multi vixerunt Vicarii , qui poterant amoveri , qui magna ex parte indiguerent , niſi Beneficia poffedissent , hi autem , cum poſſint revocari ad nutum Episcopi , aut aliorum , qui ab Episcopo dependebant , non auſi fuissent querelas deferre , quod multa illis inconsultis acta fuissent. Quoad Parochos , qui amoveri non poterant , ali coacti fuissent silentium ſervare ; quia ab Episcopo Beneficium , quod poſſidebant , accepifſent. Hi quia Beneficium aliud majoris reditus ſperabant. Aliundè , ferè omnes Parochi , & bonis & authoritate ſunt deſtituti. Episcopi verò divites , potentes , & hoc modo metus Parochis silentium imponere poterat ; & , si aliqui loqui voluissent , eos ſibi adjunxiſſent Episcopi , vel uis viribus diſſidentes ſe silentium ſervare teneri creditiſſent. Poſſet quoque veniſſe per ſpatium Quadragesima annorum , multis in Diocesibus , vixiſſe Praelatos luminibus , prudentia , & pietate tam conſpicuos , ut creditiſſet Secundus Ordo nihil à le prudentius agi poſſe , quam in omnibus eorum Decreta ſequi ; quæ agendi ratio fuiffet quas cefſio jurium ad tempus , quod tempus deberet deduci è quadragesima annis. Quin etiam , è ſpatio Quadragesima annorum deduci debet tempus , quo Pralati ſupremæ authoritatis Dioceses ſuas rexiſtent.

**Quartò : non conſtat apud omnes , Episcopos poſſe preſcribere jus regendarum ſuorum Diocesum , nec teneri petere conſenſum vel conſilium Secundi Ordinis. Ex una enim parte , à CHRISTO duos Ordines fuiffe institutos in Ecclesiâ , nemp̄ duodecim Apostolorum Ordinem , & Ordinem Septuaginta duorum Discipulorum. Nec minus certum eſt , Discipulis ſuccelliſſe Presbyteros , quam Apostolis Episcopos ; iusteque eſt credendi cauſa , utrumque Ordinem iuſtitutum fuiffe ad regendam Ecclesiā ; Primus cum authoritate , Secundus cum dependentia. Videtur enim , Ecclesiā fuiffe gubernatam ab Apostolis coniunctim cum Discipulis. Cum illis Judæ Successorem elegerunt :**

cum

cum illis Diaconos elegerunt: denique, cum illis in Concilio Hierosolymitano Quæstionem tractaverunt, num cogendi essent Gentiles ad fidem Jesu Christi conversti, ad Moyis Legem observandam, & Epistolam scripserunt, quæ resolutionem continebat. Hacque de causa credi debet, secundum Apostolorum exemplum, Ephesinam Ecclesiam fuisse à Presbyteris gubernatam, Paulumque illis congregatis hæc verba dixisse, *attende vobis & universo gregi, in quo vos posuit spiritus Sanctus Episcopos regere Ecclesiam Dei, quam acquisivit sanguine suo.* EPISCOPI enim verbum minime intelligi debet hinc de Episcopis, sed de Presbyteris, cum hi, ad quos sermonem dirigit Sanctus Paulus vocantur *Majores nati*, quod nomen propriè Presbyteris convenit. Aliundè multos alloquitur. Porro, nullibi conflat ab Apostolis in eādem Ecclesiā plures fuisse institutos Episcopos. Denique, hic Scripturæ Textus ita communiter de Presbyteris intelligitur, ut, in summario Capitis, nomen *Presbyterorum* tribuat illis, ad quos S. Paulus hunc sermonem direxit; ut patet his verbis, *advocatos ex Epheso Presbyteros exhortatur, ut vigilantes sint in regendâ Ecclesiâ.*

Porrò: si Jesus Christus Presbyteros instituit ad regendam Ecclesiam conjunctim cum Episcopis, quamvis cum dependentia, vix concipi potest, quomodo possent Episcopi usū capere jus regendarum suarum Dioecesum, nec tamen teneri consensum aut consilium Secundi Ordinis petere: hoc enim si usū jus caparent, nullo modo participes forent Ecclesia Regiminis Presbyteri, cum solo iure consensus, aut consilii illius participes esse possint.

Non posset dici, ut Presbyteri Ecclesiæ regiminis sint participes, sufficere ab ipsis Christi gregis portione regi, ut faciunt Parochi in Parochiis, Decani in Capitulis, Abbates, aut Priors, Abbatissæ, aut Priorissæ in Monasteriis. Hoc enim admissio Presbyteri, & alii Secundi Ordinis, nullo modo participes sunt Ecclesia generalis regiminis. Et cum dicatur Presbyteros ad regimen Ecclesiæ vocari, de generali regime sermo habetur; quod consistit in occurrendo abusibus generalibus, qui possunt & debent a Syndicis cognoscī, & collationibus cum Prælatis Inferioribus, vel iis mēdendo Statutis prudentibus, & invigilando eorum observationi, in distribuendis munīis secundum Ecclesiæ necessitatēs; in Officiis Divinis dirigendis, secundum Missale, Breviarium, & Rituale, Statuta secundum institutionem aut diminutionem Festorum; Denique, in dirimendis modis congruis controversiis, quæ Ecclesiam turbant: & quia hæc omnia ad generale Ecclesiæ regimen pertinebant, olim in Synodo Dioecesana tractabantur, partim convocata ad illud componendum, & constanti ferè omnino Presbyteris. Et quia partitio Officiorum, sive revocabilium, sive non revocabilium, regimen generale spectat, Prælati Inferiores, sepius Presbyteri, distribuunt horum Officiorum partem, Beneficiorum collatione, aut Electione facta cum Capitulo, cuius sunt duces. Unde verisimiliter accidit non posse ab Episcopis, sine Secundi Ordinis consensu, nova Tributa imponi Beneficiis, nec antiquorum reparationem fieri, nec Ecclesiæ bonorum magnam partem alienari, nec laudabiles usus aboleri de rebus dandis, pro functionibus sacris. Hi enim Actus, ex una parte spectare videntur generale Regimen: &, ex alia, si ad eos actus concurrit Secundus Ordo, id probat, eum olim participem fuisse hujus regiminis.

Posset adhuc haberi ut continuatio associationis Secundi Ordinis Regiminis Ecclesiæ, cum Primo, jus quod Clerus Ecclesia Cathedralis semper habuit, sede vacante Dioecesum regere, hæcque conjectura confirmari posset *Capite uno, ne sede vacante in 6.* Affirmat utique eos, qui Societatem habent cum Episcopo,

pro Beneficiorum collatione, ea conferentes, conjunctim cum illo, dum sedem occupat, folios ea conferre, sede vacante: hoc enim non oritur nisi ex eo, quod jus socii mortui transit ad solum viventem; unde concludi potest, si regimen Dioecesis transierit ex integro ad Clerum Ecclesiæ Cathedralis, id ortum fuisse ex eo præfite, quod antè vacationem conjunctim cum Episcopo Dioecesim regeret.

Quidquid sit de hac obversatione, & de aliis superius factis, de Divinâ origine authoritatis Secundi Ordinis in regimine, ad probandam eam authoritatem, quæ gaudere debet in Dioecesana Synodo; apparet, si non omnino certæ sunt, eas saltem justam dubitandi causam præbere, num Episcopi possent usū capere omnem regiminis authoritatem excluso Secundo Ordine: nam, quando hoc contrarium non esset Divino juri, contra quod nulla admitti potest præscriptio, adversaretur usui perpetuo à Jesu Christo ad nos usque, & confirmato multis Canonibus in gratiam Secundi Ordinis, & omnibus monumentis hac in Dissertatione collectis; qui usū minime obnoxius est præscriptioni. c. 11. de consuet. Tota difficultas est, si inter Capita particularia, quæ spectant hanc autoritatem, aliqua reperiuntur, quæ non possint usū capi; ita, ut Secundus Ordo semper admitti debeat ad dandum vel consensum, vel consilium, quamvis longa sit possessio in contrarium. Porrò, generatim afferri potest, plurima esse Capita authoritatis regendi, quæ videntur non posse usū capi modo, de quo agitur, & talia esse omnia, quæ Secundum Ordinem proximè spectant, & pro quibus Canones suum contentum requirerunt, quique relati fuerunt *Capite XIX.* Talia adhuc sunt ea, in quibus agitur de rebus adeo difficilibus, ut ferè impossibile sit ea ab Episcopo solo fieri, ut oportet, sine Secundi Ordinis consilio: & ea collecta sunt eodem in Capite. Ad hunc Ordinem referri possunt insolita Dispensationes, Casuum Extraordinariorum solutio, novorum Errorum Condemnatio, non manifeste adversantium Scripturae aut Traditioni; Denique, Constitutiones, quarum exitus dubius videtur.

Vèrū Secundi Ordinis in Synodo authoritas debetne reponi inter Capita, quæ usū capi non possunt, modo superius observato? Vel enim in Synodo agetur de aliquo Capitulo, quæ dicta fuerunt non posse usū capi; & tunc necesse erit suam Secundo Ordini authoritatem servari, invitâ qualibet possessione contraria: quia jus authoritatis in Synodo, jus est pure facultatis, quo quisque potest non uti absque sui ipsius detrimento. Aliundè, si consensus aut consilium Secundi Ordinis, talibus in casibus requiruntur, id oritur a bono publico. Porrò, contrâ bonum publicum non admittitur præscriptio. Vel Synodus convocabatur unicè ad danda consilia convocatis, eosque ad munia implenda impellendos; vel simpliciter ad sui Ministeriorum rationem reddendam: & his in circumstantiis, nihil decerneretur, in quo suam Secundus Ordo posset exercere authoritatem.

#### O B J E C T I O V I .

*Contra authoritatem Secundi Ordinis in Synodo Dioecesana, quoad Statuta, que in ea sunt.*

Qui authoritatem Secundi Ordinis in Dioecesana Synodo impugnant, contendunt, eum omni prorsus authoritate privari debere quoad Statuta, quæ in ea sunt; quia, inquieti, suspectus est, Judex esse non potest, ut pote adversarius. Statuta conduntur ad eum corrigendum & emendandum, vel ad componenda jura, vel contra aliquos ejusdem Ordinis, vel contra Laicos: Sic, qui vellet, teneri Episcopum consensum petere, vel consilium Secundi Ordinis, quoad

Statuta ab ipso facienda, vellet teneri Judicem à Reo petere, quomodo sit puniendus, quomodo iterato lapsu occurrere debeat, vel ab adversario Civili, quid ipsi debeat adjudicare.

Profectò, qui sic ratiocinatur, minimè attendit ad ea, quæ naturaliter sequuntur ex hoc ratiocino; tam latè enim procedit istud ratiocinum, ut, illo semel admisso, excludendi forent Episcopi, quin etiam Papa, voce, quam habent in Conciliis, five Generalibus, five Particularibus, quoad Statuta, quæ in eis sunt; quia multa sunt, quæ corum mores spectant, vel emendationem abusum, quos commitunt in sua potestatis exercitio. Ordines, five Societates, non amplius possent Statuta emendationis facere; quia, qui sunt emendandi abusus, commissi sunt vel committi possunt ab illis, qui Statutorum sunt participes. Sic, in Capitulis Regularibus, vel Generalibus, vel Provincialibus, vel Conventualibus, nihil posset statui, quod aliquo modo tangereat eos, qui vocem haberent. Idem foret dicendum de Capitulis Ecclesiarum Cathedralium aut Collegiarum, de Universitatibus, de Facultatibus, de Collegiis, de Supremis Curiis; de Curiis Præsidialibus, de Ballivi Jurisdictione. Non amplius licet iis, quorum aliquid interesset, suffragium ferre. Hoc admisso ratiocino superius relato, cum Comitia Generalia habentur, ad aliquid decernendum de rebus, quæ Regiam Familiam vel Regni Primates spectant, nullo modo consulendi essent, neque Princes, neque Optimates; cum, hac in parte, essent adversarii, & propter hoc suspecti, incapaces iudicij ferendi. Porro, nemo non videt hoc ratiocinium rectâ conducere ad ruinam Disciplinae tam Civilis, quam Sacra generaliter constituta à tempore infinito. Percurantur enim Canones Conciliorum Generalium, vel Particularium, Constitutiones Regulares in Capitulis Generalibus, vel Particularibus factæ; Statuta Capitulariter facta, Decreta ab aliis Ordinibus facta in Ordinis communis; denique, Constitutiones editæ in Regnis: multa certè reperientur, quæ tangebant eos, qui illarum fuerunt participes.

Quod, si ratiocinum modo allatum his consequentis laborat, addi potest, illud adhuc nisi suppositione omnino Secundo Ordini injuriosa; nempe, in omnibus Diœcesis eum esse ita moribus depravatum, ut sane judicare non posset de emendatione abusum, qui eum spectant; nolle que consensum præbere Decretis, ad eum emendandum, necessariis.

Qua suprà dicta sunt de autoritate Secundi Ordinis in Synodo Diœcicana, confirmabuntur per ea, quæ dicenda sunt in *Titulo sequenti*, circa Formam administrationis cuiusque Diœceseos: ostendit siquidem, quæ sit vera causa hujus autoritatis; nempe administratio, five gubernatio illius, in communione omnibus, quæ bonum commune totius Diœceseos, quæ à Christo instituta videtur, spectant. Cum autem hujusmodi gubernationis optimum habeatur exemplum in prefata Synodo, unum ex principiis hujus institutionis argumentum perpetet ex collectis testimoniis circa professionem hujuscemodi autoritatis in illo Conventu. Itaque utrumque Opusculum sese invicem confirmant & illustrant.

### TITULUS XIX.

*FORMA ADMINISTRATIONIS DIOCECANÆ seu Modus in eis Jurisdictionem exercendi; & quanam sunt facultates, quas Ecclesia Episcopis tribuit.*

#### I.

An ex institutione Christi Diœcuseum administratio sit merè Monarchica, ita, ut in iis,

quæ Diœcesis bonum publicum spectant, sine Secundi Ordinis Pastorum participatione, à solis Episcopis gubernentur?

**D**ivinam Christi voluntatem nonnisi revelationibus verbo Dei scripto vel tradito contentis cognoscimus: his duobus Capitibus questione fit satis; & quidem verbo Dei scripto in novo Testamento, quod Evangelia, Apostolorum Actus, & Epistolas complectitur.

Constat Christum Dominum duos Pastorum Ordines instituisse, *Apostolos* nimirum, & *Discipulos*, quibus facultates ferè omnes, quas tribuit Apostolis, pariter communicavit. *Luc. Cap. X.* & *Math. Cap. X.* Si simul conferas, quæ inter eos posuit, discrimina facile videbis: Hæc nimirum sunt: 1. *Judææ loca*, ad quæ mittit Discipulos, designat; ad ea nempè, quod erat ipse venturus: quamvis eum ad omnes *Judææ Civitates*, *Cæstella*, *Vicos* venisse non constet. 2. Hac designatione intelligere fas est, Discipulos, sicut *Joannem Baptistam* missos fuisse, ut ad Christi receptionem Populos prepararent. 3. Quam dat Apostolis, Mortuos suscitandi potestatem, Discipulis non confert. 4. *LXXII.* Discipulis nomen *Apostoli* non tribuit. 5. Iis per seipsum claves dedidit non constat nec Sacerdotes eos effecisse, his verbis, *Hoc facite in meam commemorationem*: Nec super eos insufflasse, & potestatem ligandi & solvendi cum Spiritu Sancto tradidisse: nec eos per universum Orbem predicatoros misisse, sicut misit Apostolos. 6. Duo ex Discipulis electi sunt, ut alter in locum *Juda* cederet.

His vero discriminibus locus dubitandi non relinquitur, quin Discipulorum Ordo fuerit Apostolorum Ordini inferior, sicut Presbyteri sunt Episcopis inferiores. Verum quod est Discipulis cum Apostolis commune, eos sicut & Apostolos fuisse Pastores demonstrat: id autem de Presbyteris Discipulorum Successoribus sicut de Episcopis Apostolorum Successoribus pariter intelligendum venit. In hac ergo XII. Apostolorum & LXXII. Discipulorum institutione, duo reperiuntur Pastorum Ordines, quorum hi illis subjiciuntur, qui tamen pariter ac illi Sacerdotes sunt, & quibus omnibus gregis cura est commissa.

*LXXII.* Discipulorum Successores Presbyteros esse, sicut & Apostolorum Episcopos supponimus: utrumque Traditio docet, quod si quis inficiatur, tunc Presbyteros, tunc Episcopos, fuisse à CHRISTO immediatè institutos haud facilè demonstrabit. Nam præterquam quod quoties in Apostolorum Actibus & eorum Epistolis de Presbyteris vel de Episcopis sermo habetur, eorum institutio supponitur, cum è contra Diaconorum institutio priùs referatur, quam de iis sermo protrahatur. Itaque, nisi Episcopi & Presbyteri in Apostolorum, & LXXII. Discipulorum persona instituti fuissent, eorum institutio penitus ignoraretur.

Nec dicas v. 22. *Cap. XIV.* Actuum Apostolorum, Presbyterorum institutionem referre; quippe qui de Ordinatione Presbyterorum in Ecclesiis Antiochiae, Iconii, & Lystræ constitutis, quod Paulus & Barnabas fuerint reversi, ut Fratres visitarent, confirmarent in fide, omnibusque eorum anima necessitatibus providerent, quod qui hunc & duos præmissos versiculos legerit, intelliget. Porro, aliud est Institutio, aliud Ordinatio: hæc, Ordo jām institutus confertur; illā vero Ordo institutus.

Cum LXII. Discipuli sub Apostolis præcipui essent, qui CHRISTUM sequebantur, plurimi erant ex cxx. Fratribus, in quorum conventu successor *Juda* electus fuit; immo ex Discipulis fuisse duos, quos ad hujus locum impletum statuerunt, constat ex vers. 21. *Cap. I. Act.* ubi dicitur: *oportet ergo ex his viris, qui nobiscum congregati in omni tempore, quo intravit*